

STJÓRNARTÍÐINDI B 1 — 1964

15. janúar.

1

Nr. 1.

Bréf dóms- og kirkjumálaráðuneytisins til biskups um, að Selfosssókn verði skipt í tvennt, Selfosssókn og Laugardælasókn.

Með skírskotun til bréfs yðar til ráðuneytisins, háæruverðugi herra, dags. 30. desember 1964, varðandi beiðni íbúa jarðanna Stóra Ármóts, Laugardæla, Sölvholts, Glóru, Dísastaða, Smjördala, Nýjabæjar, Ljónsstaða og Lækjamóta í Árnesprófastsdæmi um stofnun sérstakrar kirkjusóknar með kirkju að Laugardælum, tekur ráðuneytið fram, að þar sem fyrir liggur samþykki safnaðarfundar Selfossafnaðar og héraðsfundar Árnesprófastsdæmis fyrir ráðstöfun þessari, samþykkir það með tilvísun til tillagna yðar og 8. gr. laga nr. 31 1952, um skipan prestakalla, að Selfosssókn verði skipt í tvennt, Selfosssókn og Laugardælasókn, þannig, að framangreindir bæir verði sérstök sókn.

18. janúar.

Nr. 2.

GJALDSKRÁ

fyrir eftirlit með öryggisráðstöfunum á vinnustöðum.

1. gr.

Eigendur eða umráðamenn eftirlitsskyldra atvinnufyrirtækja skulu árlega greiða gjald í ríkissjóð fyrir eftirlit með verksmiðjum, vinnustöðum og vélum, svo sem hér segir:

A. Persónugjald:

Fyrir hvern verkamann eða konu, sem vinnur í fyrirtæki, skal greiða árlega kr. 30.00.

Skal tala verkafólks miðað við það, sem hún er, þegar fyrirtæki er í fullum gangi við venjulegan rekstur, t. d. vertíðarrektur frystihúsa eða síldarverksmiðja.

B. Eimkatlar og hylki fyrir þrýsting:

1. flokkur. Gjald kr. 150.00.

Lágþrýstieimkatlar með allt að 2 kg/cm² þrýstingi og katlar með hærri þrýstingi, sem hafa allt að 2 m² hitaflöt. Opnir eimhitaðir geymar og lokuð eimhituð hylki með allt að 2 m³ rúmtaki. Þrýstiloftshylki og hylki fyrir aðrar gastegundir með þrýstingi með allt að 2 m³ rúmtaki.

2. flokkur. Gjald kr. 250.00.

Eimkatlar, sem hafa meiri þrýsting en 2 kg/cm² og eru með hitafleti frá 2 m² til 30 m². Lokuð eimhituð hylki, sem hafa stærra rúmtak en 2 m³. Eimhitaðir suðu-

B 1

katlar og þurrkarar. Þó suðuketill eða þurrkari sé með hræribúnaði eða öðrum hreyfi-
búnaði reiknast aðeins gjald vegna aflvélar, en ekki vegna vélbúnaðar. Reykhitaðir
forkatlar og yfirhitunarkerfi. Þrýstiloftshylki og hylki fyrir aðrar gastegundir með
þrýstingi með meira en 2 m³ rúmtaki.

3. flokkur. Gjald kr. 600.00.

Eimkatlar með meira en 30 m² hitafleti.

C. Aflvélar.

Af hverju hestafla aflvélar greiðist kr. 5.00. Fyrir hvern rafmótor, sem notaður
er til aflfyrirfærslu frá eigin rafstöð fyrirtækja greiðist kr. 5.00.

D. Vinnuvélar.

1. flokkur. Gjald kr. 5.00.

Dælur, sem nota allt að 5 hö., ádráttarsteinar, brjóstsykurgerðarvélar, gos-
drykkjagerðarvélar, bókbandsvélar, fægivélar skósmíða, saumavélar, mjólkur-
stöðvarvélar, brauðgerðarvélar, skógerðarvélar, hnappagatavélar, þrjónavélar,
sníðavélar.

2. flokkur. Gjald kr. 20.00.

Dælur, sem nota frá 5 til 10 hö., hræritæki í kerjum, málmsmíðavélar, loft-
blásarar, plastiðnaðarvélar, gúmiðnaðarvélar, reyklásarar, leðurgerðarvélar,
þrýstiloftþjöppur, sem nota allt að 5 hö.

3. flokkur. Gjald kr. 50.00.

Prentvélar, olíuburðarvélar, dúkafægivélar, vökvapþrýstipressur, hjámiðju-
þrýstipressur, skrúfupressur, niðursuðuvélar, sápugetarvélar, súkkulaðieltivélar,
málningargerðarvélar, fatapvottavélar, gærurotunarvélar, sútunarvélar, flösku-
áfyllingarvélar, sildar- og fiskimjölsvélar, sildarolíuvélar, ullarvinnsluvélar,
steinsmíðavélar, grjótmulningsvélar, flókagerðarvélar, tuskutætarar, dælur, sem
nota meira en 10 hö., þrýstiloftþjöppur, sem nota 5 til 10 hö., hampvinnslu-
vélar, pappagerðarvélar.

4. flokkur. Gjald kr. 100.00.

Skipadráttarvindur, einfaldir sveifflugálgar (fastir), einfaldar lyftivindur,
þrýstiloftþjöppur, sem nota meira en 10 hö., gasframleiðslutæki, fallhamrar,
steppuhrærivélar, dósa- og flöskupvottavélar.

5. flokkur. Gjald kr. 250.00.

Farstólar í vörugálgum (krönum), farandkranar (gjaldið reiknast auk
aflvélagjalds), lyftitæki í vörugæmslum, lyftivagnar, bifreiðalyftur (loftþjöppu-
og aflvélargjald innifalið), sjálfvirkar blaðprentunarvélar.

6. flokkur. Gjald kr. 500.00.

Fólkslyftur og aðrar sjálfvirkar lyftur með fallhæmlum, jarðýtur, vél-
skóflur, ámokstursvélar, skurðgröfur og aðrar svipaðar vélar, fallhamrar (afl-
vélargjald innifalið).

7. flokkur. Gjald kr. 1000.00.

Skipadráttarvagnar, kolakraninn í Reykjavík og aðrir svipaðir vörukranar,
löndunarkranar við sildarverksmiðjur,

E. Frystivélar.

1. flokkur. Gjald kr. 50.00.
Frystivélar með allt að 10000 kg/cal. afköstum.
2. flokkur. Gjald kr. 125.00.
Frystivélar með 10000 til 20000 kg/cal. afköstum.
3. flokkur. Gjald kr. 250.00.
Frystivélar með 20000 til 50000 kg/cal. afköstum.
4. flokkur. Gjald kr. 500.00.
Frystivélar með yfir 50000 kg/cal. afköstum.

F. Verkpallar:

Ef verkpallar eru við hús, sem eru í smíðum, greiðist kr. 0.25 af hverjum teningsmetra hússins. Ef hús er aðeins einnar hæðar íbúðarhús, eða ef vegghæð húss undir þakskegg er ekki yfir 3.5 m, greiðist ekki gjald vegna verkpalla.

Ef verkpallar eru notaðir við endurbætur, lagfæringar eða málun húsa eða skipa, eða við hleðslu á vörum, greiðist kr. 1.00 fyrir hvern hlaupandi lengdar-metra verkpalls. Þó skal ekki greiða gjald af verkpöllum, sem eru í minna en tveggja metra hæð frá jörð.

Fyrir færanlega verkpalla, sem hanga í strengjum eða eru færanlegir upp og niður á einni eða tveimur stoðum, greiðist kr. 150.00.

G. Losun og lestun skipa:

Í hvert sinn, sem skip, sem flytur vörur og er yfir 100 smálestir að stærð, kemur í höfn til losunar eða lestunar, skal það greiða fastagjald kr. 250.00 og auk þess kr. 0.25 af hverri smálest, sem losuð er úr því eða lestuð í það.

Af losun og lestun vöruflutningaskips, sem er minna en 100 smálestir að stærð, og af losun og lestun fiskiskipa greiðist ekki gjald.

H. Húsakynni án véla:

Fyrir íbúðarskála verkafólks greiðist kr. 2.00 af hverjum fermetra gólfplat. Fyrir hverja eftirlitsskylda vinnustofu án véla, svo sem saumastofur, þvottahús, netagerðarstofur, seglasaumastofur, vinnustofur í frystihúsum, sláturhús o. s. frv., greiðist kr. 1.00 fyrir hvern fermetra gólfplat. Fyrir viðáttumikil vinnuhús, þar sem tiltölulega fáir vinna að staðaldri, svo sem fiskþvottahús og opin vinnuskýli, greiðist kr. 0.50 fyrir hvern fermetra gólfplat.

I. Gasmæling kerja og geyma:

Fyrir hverja gasmælingu kers eða geymis í landi greiðist kr. 400.00.

Fyrir gasmælingu oliugeyma í skipum greiðist kr 400.00 fyrir fyrsta geymi og síðan kr. 200.00 fyrir hvern geymi. Fyrir gasmælingu vélarúms eða dælurúms greiðist ekki gjald, sérstaklega ef mæling í þeim er framkvæmd samhliða mælingu í geymu, að öðrum kosti greiðist kr. 200.00 af hverju rúmi, sem mælt er.

Sé gasmæling framkvæmd utan hins reglulega vinnutíma öryggiseftirlitsins samkvæmt ósk eiganda eða notanda geymis eða skips, skal hann greiða þeim starfsmanni öryggiseftirlitsins, sem mælinguna framkvæmir, yfirvinnu þá, sem mælingin leiðir af sér.

2. gr.

Fyrir vinnuvélar, sem ekki eru nefndar í gjaldskránni, greiðist hlutfallslega eftir því, hve stór og margbrotin vélin er, frá kr. 5.00 til kr. 1000.00.

Þó skoðun fari fram oftast en einu sinni á ári, greiðist skoðunargjald aðeins

einu sinni, nema framkvæma þurfi auka eftirskoðun vegna vanrækslu á framkvæmd fyrirskipaðra umbóta, en fyrir slíka skoðun greiðist fullt gjald, sbr. 10. gr. starfsreglna fyrir öryggiseftirlit ríkisins.

3. gr.

Reynist tekjur eftirlitsins ekki nægar samkv. gjaldskrá þessari, til þess að standa undir kostnaði við framkvæmd eftirlitsins, er öryggismálastjóra heimilt, að fengnu samþykki ráðuneytisins, að hækka gjöldin um allt að 25% eftir því, sem með þarf.

4. gr.

Þegar teikningar af fyrirhuguðum breytingum fyrirtækja eða fyrirkomulagi fyrirtækis, sem fyrirhugað er að reisa, eru sendar eftirlitinu til umsagnar, greiðist ekki gjald fyrir umsögnina. Þurfi eftirlitsmaður, að ósk eiganda, að takast ferð á hendur vegna slíkrar umsagnar, skal eigandi greiða ferðakostnaðinn.

5. gr.

Fyrirtæki, þar sem fimm verkamenn eða færri vinna, eða notuð er orka, sem eigi fer fram úr 3 hö, skulu undanþegin eftirlitsgjaldi, nema annað sé ákveðið af öryggismálastjóra, enda sé vinnu þannig háttað, að eftirlits sé eigi brýn þörf.

Gjaldskrá þessi er sett samkvæmt 45. gr. laga nr 23, 1. febrúar 1952, um öryggisráðstafanir á vinnustöðum, til að öðlast þegar gildi og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá nr. 233 30. desember 1952, fyrir eftirlit með öryggisráðstöfunum á vinnustöðum, og auglýsing nr. 16 5. febrúar 1955.

Iðnaðarmálaráðuneytið, 18. janúar 1964.

Jóhann Hafstein.

Brynjólfur Ingólfsson.

Staðfesting forsetans á skipulagsskrá fyrir Vísindasjóð Borgarsjúkrahúss Reykjavíkur, útgefin á venjulegan hátt að mandatum af dómsmálaráðherra 5. janúar 1964. Skipulagsskráin ar þannig:

SKIPULAGSSKRÁ

Vísindasjóðs Borgarsjúkrahúss Reykjavíkur.

1. gr.

Sjóðurinn heitir Vísindasjóður Borgarsjúkrahúss Reykjavíkur til minningar um Þórð Sveinsson, lækni, og Þórð Úlfarsson, flugmann.

2. gr.

Tilgangur sjóðsins er að örva og styrkja vísindalegar athuganir, rannsóknir og tilraunir, er fari fram í sjúkrahúsinu eða í náinni samvinnu við það.